


“ТАСДИҚЛАЙМАН”

Вилоят иқтисодиёт ва ҳудудларни
комплекс ривожлантириш бош
бошқармаси бошлиғи
 И.Жўраев
27 август 2018 йил

**Бухоро вилоят Иқтисодиёт ва ҳудудларни комплекс ривожлантириш
бош бошқармасининг йиғилиши
БАЁНИ**

2018 йил 27 август

Бухоро шаҳри

Раислик қилди:

И.Жўраев – Вилоят иқтисодиёт ва ҳудудларни
комплекс ривожлантириш бош бошқармаси
бошлиғи

Қатнашдилар:

Бўлим бошлиқлари ва барча ходимлари

КУН ТАРТИБИ:

1. “Ўзбекистон Республикаси Президентининг 2018 йил 8 августда ПФ-5505-сонли “Норма ижодкорлиги фаолиятини такомиллаштириш концепциясини тасдиқлаш тўғрисида”ги Фармони ва Ўзбекистон Республикаси Иқтисодиёт вазирлигининг 2018 йил 20 август куни “Норма ижодкорлиги фаолиятини такомиллаштириш чора-тадбирлари” мавзусида ўтказилган йиғилиш баёни қарори ижроси тўғрисида.

(И.Жўраев, Ф.Бозоров, Ф.Мухамедов, Ж.Козимов, У.Джураев, Т.Мухамедов, Р.Рахматов, Ҳ.Саламова)

Йиғилишни бош бошқарма бошлиғи И.Жўраев очиб, 2017 - 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида қабул қилинаётган қонунларнинг ижтимоий-сиёсий, ижтимоий-иқтисодий ва суд-ҳуқуқ ислохотлари жараёнига таъсирини кучайтиришга йўналтирилган қонун ижодкорлиги фаолияти сифатини тубдан ошириш давлат ва жамият қурилиши тизимини такомиллаштиришнинг асосий вазифаларидан бири этиб белгиланган.

Шу билан бирга, белгиланган кенг кўламли ислохотларнинг муваффақиятли амалга оширилиши маълум даражада ўтган йилларда шаклланган қонунчилик базасига, шунингдек, норма ижодкорлиги жараёни сифатига боғлиқ.

Ушбу йўналишда мавжуд бўлган камчиликлар турли соҳалардаги ижтимоий муносабатларни тарқоқ ҳолда тартибга солиш салбий амалиётининг давом этишига олиб келмоқда, бу эса ҳуқуқий коллизиялар, ҳуқуқни қўллашда турлича талқин қилиш ва мураккабликлар юзага келишига сабаб бўлмоқда. Бугунги кўп воқелиги тизимли муаммоларга тезкорлик билан муносабат билдиришни талаб қилади, уларнинг ечимлари йўқлиги мамлакатда олиб борилаётган ислохотларда акс этмоқда.

Бироқ, бу борада қўлланилаётган норма ижодкорлиги ёндашуви қонун ҳужжатларининг мамлакат иқтисодиёти тармоқларига таъсирини баҳолаш

заруриятини ҳисобга олмаяпти ҳамда жамоатчилик фикрини инобатга олган ҳолда фукароларнинг ҳаёти ва фаровонлигини яхшилашга доир вазифаларга эришишни таъминламаяпти. Шу билан бирга, умумий тусга эга бўлган қонунлар кўплиги, шунингдек, уларни амалга оширишнинг муайян механизмисиз айрим қарорларнинг қабул қилиниши, умуман давлат ва жамият ривожига салбий таъсир кўрсатмоқда, ижтимоий муносабатларни асосан қонуности ҳужжатлари билан тартибга солишга олиб келмоқда. Тизимлаштирилган қонунчилик базасини шакллантириш, амалга оширилаётган ислохотларнинг ҳукукий жиҳатдан таъминланишини такомиллаштириш, шунингдек, Ҳаракатлар стратегиясида белгиланган вазифаларни изчил рўёбга чиқариш мақсадида Ўзбекистон Республикаси Президентининг 2018 йил 8 августда ПФ-5505-сон “Норма ижодкорлиги фаолиятини такомиллаштириш концепциясини тасдиқлаш тўғрисида”ги Фармони қабул қилинди.

Мазкур фармон ижросини таъминлаш учун норма ижодкорлиги фаолиятини такомиллаштиришнинг асосий йўналишлари белгиланди, унга кўра, қуйидагилар норма ижодкорлиги фаолиятини такомиллаштиришнинг асосий йўналишлари ҳисобланади:

1. Қонунчилик базасини тизимлаштириш, ижтимоий муносабатларни ҳукукий жиҳатдан тартибга солиш барқарорлигини таъминлаш;
2. Норматив-ҳукукий ҳужжатларни ишлаб чиқиш ва қабул қилиш жараёнлари сифатини ошириш, шунингдек, уларнинг ижроси мониторингини такомиллаштириш;
3. Норма ижодкорлиги жараёнига замонавий ахборот-коммуникация технологияларини жорий этиш;
4. Норма ижодкорлигида «ақлли тартибга солиш» модели элементларини қўллаш;
5. Норма ижодкорлиги фаолиятининг институционал асосларини такомиллаштириш.

Ушбу фармон билан, Ўзбекистон Республикаси Олий Мажлиси палаталари ва Вазирлар Маҳкамасининг қуйидаги тартибни белгилаш тўғрисидаги таклифлари қабул қилинган, унга мувофиқ:

1. Давлат органлари томонидан норматив-ҳукукий ҳужжатларни ишлаб чиқиш ҳамда қабул қилиш ташаббусига фақатгина ушбу органларнинг кўтарилаётган масалалар ёки муаммоларни қонун ҳужжатларида назарда тутилган амалдаги нормалар ва маъмурий тартиб-таомиллар орқали ҳал қилиш ваколати бўлмаган тақдирда йўл қўйилишлиги;

2. Норматив-ҳукукий ҳужжатларни қўллаш, улар кучга кирган пайтдан эътиборан ижросини ташкил этиш юзасидан қўшимча ички идоравий ҳужжатлар қабул қилишга доир мажбуриятлар юклатилмаган ҳолда амалга оширилишлиги;

3. Қонунчилик ташаббуси ҳукуқи субъектлари қонун лойиҳасини Ўзбекистон Республикаси Олий Мажлисининг Қонунчилик палатасига киритиш чоғида унга, қоида тариқасида, қонун ва қонуности ҳужжатларини такомиллаштириш, ташкилий-техник чораларни амалга ошириш, шунингдек, қонун лойиҳасини кенг қўламда тарқатиш ҳамда унинг мазмун-моҳияти ва аҳамиятини тарғиб қилиш бўйича масалаларни ўз ичига олган қонун лойиҳасини амалга оширишга доир тадбирлар режасини илова қилишлиги;

4. Ўзбекистон Республикаси Президенти ва Вазирлар Маҳкамаси қарорларида улар қабул қилинганидан кейин алоҳида тадбирлар ва назорат режаларини, шунингдек, «йўл хариталари»ни қўшимча тарзда тасдиқламаган ҳолда аниқ топшириқлар ва уларни амалга ошириш механизмларини белгиловчи нормалар, муддатлар ва масъул ижрочилар мажбурий равишда назарда тутилишлиги;

5. Янги идоравий норматив-ҳукукий ҳужжатни қабул қилиш ўхшаш муносабатларни тартибга солувчи айнан бир хил юридик кучга эга ҳужжатни бекор

қилиш билан бир вақтда ёки унга таклиф этиладиган ўзгаришлар киритиш орқали, шу жумладан, уни янги таҳрирда баён этган ҳолда амалга оширилиши лозимлиги.

Юқоридагилардан келиб чиқиб, шунингдек, амалга ошириладиган ислохотларнинг ҳукукий жиҳатдан таъминланишини такомиллаштириш, ҳамда Ҳаракатлар стратегиясида белгиланган вазифаларни изчил рўёбга чиқариш мақсадида йиғилиш

ҚАРОР ҚИЛАДИ:


1. Ўзбекистон Республикаси Президентининг 2018 йил 8 августдаги ПФ-5505-сон “Норма ижодкорлиги фаолиятини такомиллаштириш концепциясини тасдиқлаш тўғрисида”ги Фармони сўзсиз ижро учун қабул қилинсин.

2. Бош бошқарманинг барча бўлим бошликлари Концепция ижросини амалга ошириш борасида учрашувлар, семинарлар, давра суҳбатларини тизимли равишда ташкил этсин.


3. Бош бошқарма девонхона бош мутахассиси (М.Саидова) мазкур баённомани Бош бошқарманинг барча бўлимларига ҳамда шаҳар ва туманлар бўлимларига етказилишини таъминласин.

4. Мазкур буйруқ ижроси назорат қилиш бош бошқарма ўринбосари вазифасини вақтинча бажарувчи Ф.Бозоров зиммасига юклатилсин.

Баённома тузувчи:



Ҳ.Саламова



Ф.Бозоров